



日本訪書志第八冊

12
1818
8




42
1818
8

大藏經五千七百四十卷

宋槧本

宋理宗嘉熙三年安吉州思溪法寶資福禪寺
所刊是經日本有兩部一藏近江國菅山寺一
藏山城國天安寺此即天安寺本也自天字起
至最字止凡五千七百四十卷閒有鈔補係元
祿九年以菅山寺本照祿重修不知何時又缺
六百餘卷余在日本有書估為言欲求售之狀
適黎星使方購佛書即囑余與議之價三千元
以七百元作定金立約期三月付書及逾期而



書不至星使不能待以千元購定日本翻明本
久之書至星使以過期不受欲索還定金書估
不肯退書難以口舌爭星使又不欲以購書事
起公牘囑余受之而先支薪俸以償余以此書
宋刻中土久無傳本明刊南北藏本兵燹後亦
十不存一況明本魯魚豕亥不可枚舉得此以
訂訛鉅謬不可謂非鴻寶迺忍痛受之缺卷非
無別本鈔補以費繁而止且此書之可貴以宋
刻故也書至六七千卷時至六七百年安能保

其毫無殘闕此在真知篤好者固不必徇俗人
之見以不全爲恨也

高麗刊本大藏經六千四百六十七卷

今藏日本東京三緣山增上寺當宋至道閒高麗國王以其國前本國後本中本丹本東本北本舊宋本飭諸大德校正刊行日本舊有二部一建仁寺本爲永嵩禪師由高麗齎歸天保八年九月廿六日毀于火今僅存四十九卷一爲大和國忍辱山圓成寺所藏係後土御門天皇文明年間寺主榮弘所請慶長十四年大將軍德川家康移貯增上寺償以食邑百五十石卽

今本也余嘗就三緣山寺中見之字大如錢紙
堅白摺疊式校宋元藏篇幅稍大其中多宋元
明藏所不載者而希齡續一切經音義十卷慧
琳一切經音義百卷尤為特出至寶黎星使嘗
使人以西法照出擬刻卒未就也今列其為宋
元明藏所不載諸經目於左

高麗藏經所有宋元明藏經所無者

須摩提經一卷

服函內

唐菩提流志譯

佛說般舟三昧經一卷

伐函內

後漢支婁迦讖譯

阿彌陀佛說咒一卷

鞞函內

失譯

佛說月燈三昧經一卷

鞞函內

宋先公譯

佛說申日經一卷

敢函內

西晉竺法護譯

佛說枯樹經一卷

若函內

失譯

佛說舍衛國王十夢經一卷

若函內

附西晉錄

佛說受新歲經一卷

竟函內

西晉竺法護譯

佛說金光王童子經一卷

戶函內

宋法賢譯

難備計溼縛囉天說支輪經一卷 兵函內

宋法賢譯

普遍智藏般若波羅密多心經一卷 磻函內

唐法月重譯

大集大虛空藏菩薩所問經八卷 曲函內

唐不空譯

大聖文殊師利菩薩佛刹功德莊嚴經三卷 阜函內

唐不空譯

金剛頂勝初瑜伽經中略出大樂金剛薩埵念誦儀

軌一卷 微函內 唐不空譯

金剛頂經一字頂輪王瑜伽一切時處念誦成佛儀

軌一卷 旦函內 唐不空譯

金剛頂降三世大儀軌法王教中觀自在菩薩心眞言一切如來蓮華大曼荼羅品一卷 孰函內

唐不空譯

修習般若波羅密菩薩觀行念誦儀軌一卷 營函內

唐不空譯

觀自在大悲成就瑜伽蓮華部念誦法門一卷 營函內

唐不空譯

大華嚴長者問佛那羅延力經一卷 桓函內

唐般若共利言譯

般若波羅密多心經 桓函內

唐般若共利言等譯

佛說迴向輪經一卷 合函內

唐尸羅達摩譯

佛說十地經九卷 合函內

唐尸羅達摩譯

佛說十力經一卷 合函內

唐勿提提犀魚譯

根本說一切有部毘奈耶藥事十八卷 濟弱函內

唐義淨譯

根本說一切有部毘奈耶出家事四卷 綺函內

唐義淨譯

根本說一切有部毘奈耶安居事一卷 綺函內

唐義淨譯

根本說一切有部毘奈耶隨意事一卷 綺函內

唐義淨譯

根本說一切有部毘奈耶皮革事二卷 綺函內

唐義淨譯

根本說一切有部毘奈耶羯恥那衣事一卷 綺函內

唐義淨譯

佛說佛名經三十卷

宣晉楚函內

失譯

佛說勝義空經一卷

馳函內

宋施護等譯

佛說隨勇尊者經一卷

馳函內

宋施護等譯

佛說佛十力經一卷

馳函內

宋施護等譯

佛說清淨心經一卷

馳函內

宋施護等譯

金色童子因緣經十二卷

郡函內

宋惟淨等譯

佛說開覺自性般若波羅密多經四卷

秦函內

宋惟淨等譯

六趣輪迴經一卷

亭函內

馬鳴菩薩集

宋日稱等譯

尼乾子問無我義經一卷

亭函內

馬鳴菩薩集

宋日稱等譯

諸法集要經十卷

鴈函內

觀無畏尊者集

宋日稱等譯

福蓋正行所集經十二卷

門函內

龍樹菩薩集

宋日稱等譯

父子合集經二十卷

紫塞函內

宋日稱等譯

大藏經未收古經

余在日本所得古鈔佛經不下六七百卷其中有唐人書寫者有日本人傳錄者工拙不一而時有出于高麗藏宋藏元明藏之外有島田蕃根者篤好佛書爲言此皆其國入唐求法僧所齋回者會其國集股印大藏經并借余所得本校補因以知宋元明大藏不收之目今列于左

受五戒八戒文一卷

唐不空譯

菩提心義一卷

唐不空譯

無畏三藏禪要一卷

唐善無畏造

大毘盧遮那佛說要略念誦經一卷

唐菩提金剛譯

供養儀式一卷

唐菩提金剛譯

金剛頂經毘盧遮那一百八尊法身契印一卷

唐善無畏一行同譯

諸佛境界攝真實經三卷

唐般若譯

金剛頂瑜伽略述三十七尊心要一卷

唐不空譯

大日經持誦次第儀軌一卷

唐金剛智譯

大毘盧遮那佛眼修行儀軌一卷

唐金剛智譯

大聖妙吉祥菩薩說除災教令法輪一卷

唐一行述

施八方天儀則一卷

大興善寺翻經院阿闍梨述

堅牢地天儀軌一卷

唐善無畏譯

新集浴像儀軌一卷

唐慧琳述

佛說大輪金剛總持陀羅尼經一卷

唐慧琳述

大輪金剛修行悉地成就及供養法一卷

唐慧琳述

攝無礙大悲心大陀羅尼經計一法中出無量義南方滿願補陀落海會五部諸尊等弘誓力方位及威儀形色執持三摩耶幟曼荼羅儀軌一卷

唐不空譯

青頸觀自在菩薩心陀羅尼經一卷

唐不空譯

三種悉地破地獄轉業障出三界祕密陀羅尼法一卷

唐善無畏譯

慈氏菩薩略修愈誠念誦法二卷

唐善無畏譯

白傘蓋大佛頂王最勝無比大威德金剛無礙大道場陀羅尼念誦法要一卷

唐善無畏譯

毘盧遮那五字真言修習儀軌一卷

唐不空譯

地藏菩薩儀軌一卷

唐輪婆迦羅譯

都表如意摩尼轉輪聖王次第念誦祕密最要略法一卷
解說師子譯

底哩三昧耶不動尊聖者念誦祕密法三卷
唐不空譯

佛說無量壽佛化身大忿迅俱摩羅金剛念誦瑜珈儀軌法一卷
唐金剛智譯

說矩里迦龍王像法一卷
唐金剛智譯

佛說金色迦那鉢底陀羅尼經一卷
唐金剛智譯

摩利支菩薩略念誦法一卷
唐不空譯

摩利支天一印法一卷
唐不空譯

阿吒薄拘付囑咒一卷
唐不空譯

焰羅王供行法次第一卷
唐阿謨伽撰

何耶揭唎婆像法一卷
唐阿謨伽撰

何耶揭唎婆觀世音菩薩受法壇一卷
唐阿謨伽撰

馬鳴菩薩大神力無比驗法念誦儀軌一卷
唐金剛智譯

唐金剛智譯

降三世忿怒明王念誦儀軌一卷

唐不空譯

佛說金毘羅童子威德經一卷唐不空譯

千手千眼觀世音菩薩治病合藥經一卷

伽梵達摩譯

播般曩結使波金剛念誦儀一卷

伽梵達摩譯

金剛藥叉瞋怒王息災大威神驗念誦儀軌一卷

唐金剛智譯

金剛頂瑜珈青頸大悲王觀自在念誦儀軌一卷

唐金剛智譯

大慈大悲救苦觀世音自在王菩薩廣大圓滿無礙

自在青頸大悲心陀羅尼一卷唐不空譯

火吽軌別錄一卷唐不空譯

北方毘沙門天王隨軍護法儀軌一卷

唐不空譯

宿曜儀軌一卷

唐一行撰

如意寶珠轉輪祕密現身成佛金輪咒王經一卷

唐不空譯

寶悉地成佛陀羅尼經一卷 唐不空譯

法華十羅刹法一卷 唐不空譯

深沙大將儀軌一卷 唐不空譯

摩醯首羅大自在天王神通化生伎藝天女念誦法一卷 唐不空譯

供養十二大威德天報恩品一卷

唐不空譯

寶藏天女陀羅尼法一卷 唐不空譯

摩訶吠室囉末那野提婆喝囉闍陀羅尼儀軌一卷

唐般若斫羯囉譯

冰揭羅天童子經一卷 唐不空譯

使咒法經一卷 菩提留支譯

施諸餓鬼飲食及水法并咒印一卷

唐不空譯

梵天擇地法一卷 唐不空譯

建立曼荼羅及揀擇地法一卷唐慧琳譯

釋迦牟尼佛成道在菩提樹降魔讚一卷

唐不空譯

佛說造塔延命功德經一卷 唐般若譯

悉曇字記一卷 唐智廣撰

木槵經一卷 唐不空譯

大聖妙吉祥菩薩祕密八字陀羅尼修行曼荼羅次

第儀軌法一卷 中天竺菩提唼使譯

大隨求八印一卷 宗叡傳

總釋陀羅尼義讚一卷 唐不空解譯

十八契印一卷 唐慧果譯

大妙金剛大甘露軍字利焰鬘熾盛佛頂經一卷

達磨栖那譯

尊勝佛頂修瑜珈法軌儀二卷 唐善無畏譯

釋迦文尼佛金剛一乘修行儀軌法品一卷

唐善無畏譯

藥師瑠璃光如來消災除難念誦儀軌一卷

唐善無畏譯

藥師如來念誦儀軌一卷 唐不空譯

觀自在菩薩心真言一印念誦法一卷

唐不空譯

觀自在菩薩大悲智印周遍法界利益眾生薰真如法一卷

唐不空譯

聖無動尊一字出生八大童子祕要法品一卷

大興善寺翻經院述

建立曼荼羅護摩儀軌一卷

大興善寺翻經院述

火餠供養儀軌一卷

大興善寺翻經院述

北斗七星護摩祕要儀軌一卷

翻經院阿闍梨述

北斗七星念誦儀軌一卷

唐金剛智譯

文殊師利菩薩六字咒功能法經一卷

唐金剛智譯

大隨求卽得大陀羅尼明王懺悔法一卷

唐金剛智譯

金剛壽命陀羅尼經一卷

唐不空譯

九品往生阿彌陀三摩地集陀羅尼經一卷

唐不空譯

七星如意輪祕密要經一卷

唐不空譯

藥師如來觀行儀軌法一卷

唐金剛智譯

藥師如來念誦儀軌一卷 唐不空譯

大日如來劔印一卷 唐不空譯

大日如來劔印一卷 唐不空譯

阿闍梨大曼荼羅灌頂儀軌一卷 唐不空譯

金剛頂經一字頂輪王儀軌音義一卷 唐不空譯

佛頂尊勝心破地獄轉業障出三界祕密三身佛果

三種悉地真言儀軌一卷 唐善無畏譯

佛說俱利伽羅大龍勝外道伏陀羅尼經一卷

常曉和尚請來目錄三卷 唐金剛智譯

新書寫請來法門等目錄一卷 宗叡和尚

靈巖圓行和尚請來目錄一卷 宗叡和尚

惠運禪師請來教法目錄一卷 宗叡和尚

大使咒法經一卷 唐菩提流支譯

聖賀野紇哩縛大威怒王立成大神驗供養念誦儀

軌法品二卷 唐不空譯

佛說不空羼索陀羅尼儀軌經二卷

師子國阿目佉譯

佛心經品亦通大隨求陀羅尼二卷

唐菩提流志譯

七佛俱胝佛母心大准提陀羅尼法一卷

唐善無畏譯

七俱胝獨部法一卷

唐善無畏譯

五大虛空藏菩薩速疾大神驗祕密式經一卷

唐金剛智譯

金剛頂瑜伽三十七尊出生義一卷

唐不空譯

毘呬耶經三卷

唐不空譯

佛說毘奈耶經一卷

唐不空譯

大佛頂如來放光悉怛多鉢怛囉陀羅尼一卷

唐不空譯

佛說出生無邊門陀羅尼儀軌一卷

唐不空譯

華嚴經心陀羅尼一卷

唐不空譯

轉法輪菩薩摧魔怨敵法一卷唐不空譯

日光菩薩月光菩薩陀羅尼一卷

唐實又難陀譯

如意輪菩薩觀門義注祕訣一卷

唐不空譯

文殊滅姪慾我慢陀羅尼一卷唐不空譯

阿吒薄俱元帥大將上佛陀羅尼經修行儀軌三卷

唐善無畏譯

伽駄金剛真言一卷

失譯

佛頂尊勝心破地獄轉業障出三界祕密陀羅尼一卷

唐善無畏譯

千手千眼觀世音菩薩大悲心陀羅尼一卷

唐不空譯

千光眼觀自在菩薩祕密法經一卷

三昧蘇嚩羅譯

千手觀音造次第法儀軌一卷唐善無畏譯

念誦結護法普通諸部一卷

唐金剛智

青龍寺軌記一卷

唐金剛智

勝軍不動明王四十八使者祕密成就儀軌一卷

唐不空天竺遍智集

聖無動尊安鎮家國等法一卷唐金剛智

北方毘沙門天王隨軍護法真言一卷

唐不空譯

毘沙門儀軌一卷

唐不空譯

賢劫十六尊一卷

唐不空譯

大聖歡喜雙身大自在天毘那夜迦王歸依念誦供

養法一卷

唐善無畏譯

大聖歡喜雙身毘那夜迦天形像品儀軌一卷

憬瑟撰

毘那夜迦識那鉢底瑜伽悉地品祕要一卷

含光記

大黑天神法一卷

嘉祥寺神愷記

十二天供儀軌一卷

嘉祥寺神愷記

般若守護十六善神王形體一卷

唐金剛智譯

七曜攘災決一卷

西天竺金俱吒撰

七曜星辰別行法一卷

唐一行撰

北斗七星護摩法一卷

唐一行撰

佛說北斗七星延命經一卷

婆羅門僧

梵天火羅九曜一卷

唐一行述

攝大毘盧遮那成佛神變加持經入蓮華胎藏海會
悲生曼荼羅廣大念誦儀軌供養方便會

唐輸婆迦羅譯

大毘盧遮那經廣大儀軌三卷唐輸婆迦羅譯

大毘盧遮那成佛神變加持經蓮華胎藏悲生曼荼

羅廣大成就儀軌供養方便會二卷

玄法寺法全集

大毘盧遮那成佛神變加持經蓮華胎藏菩提幢標
幟普通眞言藏廣大成就瑜珈三卷

青龍寺法全集

大毘盧遮那成佛經疏二十卷唐一行記

附不思議疏二卷

唐不可思議撰

貞元新定釋教目錄三十卷

日本享保刊本

唐西京西明寺沙門圓照奉敕撰其書體例一
同釋智昇開元釋教錄而下止於貞元十六年
凡加一百三十九部三百四十二卷亦多有訂
定開元錄者此書宋元明南北藏皆不載此本
爲日本享保十六年書坊所刊卷後多署丙午
歲或署丁未歲高麗國大藏都監奉敕雕造前
有高野山釋妙端序稱此本得之高麗藏粵山
釋迦文院又以其國祕書本及開元錄梁高僧

言書志卷十五
傳等書校之題於書楣而圈記其下余按此本
訛謬滿紙尙多未校者或妙端校後又爲刻梓
所誤未暇重校與余初以爲校書圈記始自阮
文達之刊十行本十三經今此本刊於享保十
六年當我 中國雍正九年而已有圈記豈暗
合與抑別有前規與記之以俟博雅

原序

西京西明寺沙門

圓照

撰

謹按舊錄云夫目錄之興也蓋所以別真僞明
是非記人代之古今標卷部之多少撫拾遺漏

刪夷駢贅欲使正教合理金

疑經字

言有緒提綱

舉要歷然可觀也但以法門幽邃化綱恢弘前
後翻傳年移代謝屢經散滅卷軸參差復有異
人時增僞妄致令混雜難究蹤由是以先德儒
賢製斯條錄今其存者殆六七家然猶未極根
源尙多疎闕昇以庸淺久事披尋參練異同指
陳臧否成茲部袞庶免乖違幸諸哲人俯共詳
覽今觀先覺所撰冠絕羣英伏從庚午以來增
七十祀三藏繼踵于今四朝 聖上欽明翻譯

相次一百餘部經律特明累降

鴻私許

令修述圓照等才智短淺思不延文祇奉

皇恩俛仰恭命今所詳者約以類分隨三藏文
相次附入自惟以索繼組以磔次金疑則闕之
以俟來哲也

蔡中郎集十卷 明刊本

明萬曆元年東陽王乾章刊本凡十卷首載太
尉喬公碑與別本異元和顧澗濱以黃筆校蘭
雪堂活字本以硃筆校舊鈔本以墨筆校後漢
書文選及各本精審之至聊城楊氏重刻蔡集
卽此本也

此本原初陳仲魚徵君舊藏目錄前有魚圖像
印又有得此書費辛苦後之人其監我方印後
爲唐端甫仁壽所得有唐仁壽讀記印端甫多

藏古本余得其手校晉書其宋板晉書爲李木齋所得并附記之

續高僧傳四十卷

宋刊摺子本

唐釋道宣撰始于梁初終唐貞觀十九年正傳三百三十一人附見一百六十人分爲十例其書敘述典雅幾于蕭子顯李百藥之筆按四庫書目僅載釋贊寧宋高僧傳及僧寶傳近時潘氏海山仙館刻釋慧皎高僧傳而此書仍沈羈于釋藏中未經表彰此本亦宋嘉熙三年安吉州資福寺刊本即南北藏本所從出也

續高僧傳序

唐釋道宣撰

此在第二行

言言卷十一
原夫至道絕言非言何以範世言惟引行卽行而乃極言是以布五位以擢聖賢表四依以承人法龍圖成大易之漸龜章啟彝倫之用逮于素王繼轍前修舉其四科班生著詞後進弘其九等皆所謂化導之恒規言之權致者也惟夫大覺之照臨也化敷西壤迹紹東川踰中古而彌新厯諸華而轉盛雖復應移存没法被澆溘斯乃利見之康莊缺有之弘略故使體道欽風之士激揚影響之賓會正解而樹言扣玄機

而卽號並德充宇宙神冠幽明像設煥乎丹青智則光乎緇素固以詳諸經部誠未續其科條竊以葱河界於剡洲風俗分於唐梵華胥撰列非聖不據其篇則二十四依付法之傳是也神州所紀賢愚雜其題引則六代所詳羣錄是也然則統斯大抵精會所歸莫不振發蒙心網羅正理俾夫駘足九達遺蹤望而可尋徇目四馳高山委而仰止昔梁沙門金陵釋寶唱撰名僧傳會稽釋惠皎撰高僧傳創發異部品藻恒流

詳覈可觀華質有據而緝哀吳越叙略魏燕良
以博觀末周故得隨聞成彩加以有梁之盛明
德云繁薄傳三五數非通敏斯則同世相侮事
積由來中原隱括末傳簡錄時無雅贍誰爲補
之致使歷代高風颯焉終古余青襟之歲有顧
斯文祖習乃存經綸攸闕是用憑諸名器竝對
殺青而情計栖遑各師偏競逃聽成簡載紀相
尋而物忌先鳴藏舟遽往徒懸積抱終擲光陰
敢以不才輒陳筆記引疏聞見卽事編章諒得

列代因之更爲冠冕自漢明夢日之後梁武光
有以前代別釋門咸流傳史考酌資其故實刪
定節其先聞遂得類續前驅昌言大寶季世情
繫量重聲華至於鳩聚風猷略無繼緒惟隋初
沙門魏郡釋靈裕儀表綴述有意弘方撰十德
記一卷偏叙昭立師保未粵廣嗣通宗餘則孤
起支文薄言行狀終未馳高觀可爲長太息矣
故使霑預染毫之客莫不望崖而戾止固其然
乎今余所撰恐墜接前緒故不獲已而陳或博

言書卷十一
三
諮先達或取訊行人或卽目舒之或討讎集傳
南北國史附見徽音郊郭碑碣旌其懿德皆撮
其志行舉其器略言約繁簡事通野素足使紹
膺前良允師聽始距梁之初運終唐貞觀十有
九年一百四十四載包括岳瀆歷訪華夷正傳
三百三十一人附見一百六十八人序而申之大
爲十例一曰譯經二曰解義三曰習禪四曰明
律五曰護法六曰感通七曰遺身八曰讀誦九
曰興福十曰雜科凡此十條世罕兼美今就其

尤最者隨篇擬倫自前傳所敘通例已頗迴互
抑揚寔遵弘檢且夫經導兩術掩映於嘉苗護
法一科網維於正綱必附諸傳述知何續而非
功取其拔滯開元固可標於等級餘則隨善立
目不競時須布教攝於物情爲要解紛靜節總
歸于末第區別世務者也至於韜光崇岳朝宗
百靈秀氣逸於山河貞槩銷於林薄致有聲誼
玄谷神凝紫烟高謝於松喬俯眄於窮轍斯皆
具諸別紀抑可言乎或復匿迹城闔陸沈浮俗

盛業可列而吹噓罕遇故集見勸風素且樹十
科結成三表號曰續高僧傳若夫搜擢源派剖
析憲章粗識今詞琢磨行業則備于復論更議
而引之必事接恒篇終成詞費則削同前傳猶
恨逮于末法世挺知名之僧未覲嘉猷有淪典
藉庶將來同好又塵斯意焉

孫亦未
見此書

按此序孫淵如續
古文苑不載則知

釋氏要覽三卷

日本刊本

宋釋道誠撰首崔育林序次自序卽爲卷上之
首猶是古式末有口隨後序凡分二十七門皆
解釋經論名義誠讀內典之寶筏也較之翻釋
名義尤爲揭要顧彼教中亦罕箸錄此本爲日
本翻雕末有前川茂右衛門尉開板字樣相其
字體當是二百年前之物

感山雲卧紀談上卷附雲卧菴主書一卷

日本貞和仿宋刻

宋釋曉瑩撰首有自序末附曉瑩與遯菴無言

書一通凡數千言下卷末題貞和丙戌三月吉

日沙門明起捨財命工鏤梓流通板留平岳自

快菴中云云按曉瑩有羅湖野錄 四庫箸錄

余亦得其本書成于紹興乙亥此本自序不署

年月考其與遯菴無言書中淳熙戊戌冬以徒

弟隸名感山小寺而居焉則此本成於淳熙以

後其書體例與羅湖野錄同多載遺文遺事有

資於考證蓋曉瑩固高僧以誦翰著者非如他人語錄第逞機鋒語也

感山雲卧紀談

始余出自南閩遠歸江表分甘與草木俱腐誅
茆城山以尙書孫公仲益所書雲卧菴字而揭
焉公又以詩見寄有身世兩相違雲閑卧不飛
之句蓋知予者也山頂高寒非老者所宜入見
青黃病隨日生繇是徙居曲江之感山年運既
往與世日益疎闊順時制宜以待溘然或逃可

畏之暑於松塢或暴可愛之日於茆簷身閑無
事遇賓朋過訪無藉口則以疇昔所見所聞公
卿宿衲遺言逸迹舉而資乎物外談笑之樂不
謂二三子剽聞而耳亦熟矣遂相與記諸以雲
卧紀談名之然余所談未必世之賢者以爲善
令會粹成編無乃重予之過歟若夫文字性空
言語道斷以予終日談爲未嘗談則庶幾馬雲
卧菴老僧自序

分類補注李太白詩集三十卷

明郭雲鵬本

此本詩集首先標楊齊賢蕭士贇名次標吳會
郭雲鵬校刻文集首卷則標郭鵬編次不列齊
賢士贇名蓋以文集無兩家注故也其目錄後
有嘉靖癸卯春元日寶善堂梓行篆書木記
天祿琳瑯亦載此本以郭氏不自爲序跋疑雲
鵬爲書估今按此本於楊蕭二注刪削過半又
增以徐禎卿之說當非書估所能爲然楊齊二
注正以詳贍爲貴雲鵬意取簡約而學識不足

以定去取適形其陋特以撫刻差精爲 天祿
所收耳

人天寶鑑

并前後序文八十四葉
日本仿宋刻無年月

宋釋曇秀撰首有劉棐序次自序末有紹定庚
寅釋師口釋妙堪跋其書褒載歷代高僧逸事
遺言每條之下注引書名頗爲博洽其大旨具
於自序中

是集皆佛氏妙藥救世之書也能令病者服之
卽愈至有盲聾暗跛之徒亦得除瘥四明道人
秀公久歷湖海此藥備嘗無不應驗宜乎刊行
以壽後世故余樂爲之序紹定庚寅六月望日

蘭廷劉棐

人天寶鑑序

竊聞先德有善不能昭昭於世者後學之過也
如三教古德於佛法中有一言一行雖載之碑
傳實錄及諸遺編而散在四方不能周知徧覽
於是潛德或幾無聞愚嘗出處叢林或得之尊
宿提倡或訪求採摭凡可以激發志氣垂鑑於
世者輒隨而錄之總數百段目曰人天寶鑑不
復銓柬人品條次先後擬大慧正法眼藏之類

且昔之禪者未始不以教律爲務宗教律者未
始不以禪爲務至於儒老家學者亦未始不相
得而徹證之非如今日專一門擅一美互相詆
訾如水火不相入噫古者之行非難行也人自
菲薄以謂古人不可及爾殊不知古人猶今之
人也能自奮志於其間則與古人何別今刊其
書廣其說欲示後世學者知有前輩典刑咸至
于道而已高明毋誚焉紹定三年結制日四明
沙門曇秀序

無文印二十卷

宋咸淳九年癸酉刊本附語錄一冊杉本仲溫藏本

宋釋無文撰凡詩二卷文十八卷首有李之極序每半葉十一行行二十字雕刻精良無文與當時名流相唱和故其詩文皆無蔬筍氣文尤簡質有法在宋僧中固應樹一幟也

道以忘言爲妙以有言爲贅其說似矣而實未也吾聖人六經如杲日行空萬古洞然使夫子盡遂其無言之欲則民到於今不胥爲夷狄禽獸者伊誰之賜浮屠之學雖不若是然既曰空

諸所有又曰不實諸所無則泥於有無之間者皆非也東湖無文師方弱冠天資穎脫出語輒驚人坐白鹿講下師事晦靜湯先生雅見賞異一再戰藝不偶卽棄去從竺乾氏遊異時諸方叢席號大尊宿者一見輒器之必以翰墨相位置無文自是始不能無文矣歲滋久知滋多應酬滋夥中年病眩猶信口命侍僧執筆以書爲語皆刻厲警特師不自知其爲工否也辛未二月亦寂後其徒惟康梓遺稿二十卷請于常

禪苑蒙求三卷

寬文九年刊本

金少林寺僧志明撰仿李翰蒙求之體以隸釋氏典故燕京萬壽寺僧無諍德諫爲之注大抵出於五燈會元者十之七八間有不知所出者屬對雖未工誠彼教中_之記事珠也

按明藏目錄不載此書當時或以爲初學所設不錄或以未見其本不錄此本鐫刻尙有古式當原于金本亦內典逸書之一種也

原序

燕京大萬壽寺

無諍

德諫

注

高山少林錯庵志明禪師字伯昏雅號樂真子
安州郝氏子性忽繩墨外簡朴而內精愍始爲
糠禪四祖作貫花標月集有潔首座者激礪乃
雉髮師香林淨公受具日夕咨參咨扣勝靜普
之室後徹證於東林嘗懸木槌拭手謂之槌巾
拄一枴去留自適人莫能親踈之東林遷超化
眾請補少林師打籌自誓長歌而去歌曰五乳
峯前飢店開饅頭如斗餅如篩洛陽城裏多檀

少林樂真子

志明 撰

信墮珥遺簪競作齋窮跛子淡淵才
老來因甚舞三臺拄筇徑上嵩陽道笑指青山飯去來
挽留不可諸方咸仰其高致
雪堂和尚注禪苑瑤林引

吾萬松老師以無上機讀盡天下書嘗謂余曰
記事者必提其要纂言者必鉤其立韓子之云
良有以也 嗣子雪堂諫公和尚以玉溪老
取樂真禪苑瑤林欲板行之公爲之注釋焉幾
六万言或者恠其繁以師言告之公喝云東風

吹落杏花枝箇裡紅香在何處乙卯年二月二
日龍山居士鴈門呂伯 鯤夫 書
禪苑蒙求錯庵所製錯庵者卽比丘中李瀚王
令也此書貫串二千言發明五百事其言辨而
載其學溷而博可以爲禪門節事法海聯題使
後學省十載之勞成半藏之記公慈悲足見以
夫錯庵謂誰乃不搽紅紛拂袖於小林者也正
大乙酉臘前五日友人幅巾男子樗軒居士題
後

碧巖錄十卷

元刊本

卷首題佛果圓悟禪師碧巖錄卷第一每半葉
十一行行二十一字書首有封面記刊板緣起
邊格外標杭州北橋北街東嶠中張氏書隱印
行每卷後均有張氏木記或詳或略或篆隸或
行草

比丘普照序

建炎戊申

方回序

大德四年

三教老人序

大德甲辰

周馳序

大德九年○以上四通在卷首

關友後序

宣和乙巳

比丘淨日後序

大德壬寅

比丘希陵後序

延祐丁巳○以上三通在卷末
又有一通存二頁脫末一葉不
知何人所作

禪苑蒙求引

樂真禪師爲初機後學而設也師以正法眼作
文字禪駢以對偶諧以韻語凡五百餘則以使
學者觀覽予且讀且笑曰師把定要津不通凡
聖何區區乎此書無迺爲蛇畫足耶師日子言
誠是雖然童稚無識未能參叩使成誦在口粗
知問津則吾此書不爲無助譬猶教埽雷大使作
舞雖非本色且要兒孫不墜素業耳於是咲謝
而爲引時正大三年正月廿六日閑居士書

須賴王經一卷

唐鈔卷子本

其十九紙每紙二十七行末一紙八行共四百九十四行末署延歷十六年六月十一日右大臣藤原朝臣誓願首尾完具書法端雅日本古寫佛經雖多如此卷者實爲罕觀按延歷十六年當中國唐德宗貞元十三年日本左右大臣之職如中國左右僕射藤原爲日本望族朝臣又當時名相詳見日本國史此卷蓋其誓願捨經故記姓名年月於卷末非必其所手書者也

或疑此書卽非朝臣當是日本人之筆余謂不然按日本書記紀其國人唐求法僧不絕於道釋空海其最著者其齋唐人寫經度海何止法顯宋雲玄奘千百輩若天平十二年藤原皇后施舍一切經全部至今卷子本往往見之雖不題唐人年號固可望而知之也

余所得經有題乾寧元年者

藤原朝臣位長百寮力能布施當時所捨必不止此一卷今但存此耳經末題識筆勢究與本經不同其相似者則風氣使然不獨此卷尾效

所來往之有氣力得位者助而刊之囑予爲之序予家番與師遊最後而語最合於康之請不復辭又怪世之不知師者疑其於言語文字爲詳是殆見其善者機耳故曰言而足則終日言而盡道言而不足則終日言而盡物語默不論也多寡不論也師長於文而自號無文則世之疑之者淺之爲丈夫矣癸酉長至日李之極序

仲穎序

癸酉秋此在語錄冊首

普度跋

咸淳九年此在語錄後

之也且書之工不工何分彼我而余堅持此說者日本當唐代所產紙質皆白麻理鬆而文皴今其國存釋空海小野道風嵯峨天皇諸人書皆可證此則黃麻堅韌與中土所存鬱單越經在中江轉輸王經在福山李氏王氏紙質無二則知此爲唐人書無疑也經生之筆在當時不過傭書者流未必與於書家品隲至今日則有極天下之選盡一生之聰明才力尙不能追其格度古今人之不相及所以有世道升降之慨也

言書志卷十六
此本首有法隆寺印記日本古名刹也大抵日本古籍多出於法隆寺高山寺石山寺金澤文庫附記之

佛說大孔雀咒王經三卷

唐鈔本

日本古鈔佛經雖多然如此三卷首尾完具實為僅見或疑此類皆日本人書未必千載遺翰墨采如新余按其國史遣唐之使不絕於道其稱聖僧空海者亦入唐求法歸國所攜著為齋來錄手迹尚存以余所見文館詞林有神龍之題在栢本華嚴義疏載光化之號為余所得更有北魏元龜藏西京沙大齊天統藏黑田年世悠遠尤駭聽聞知數十鷁首何啻白馬千萬況黃麻

堅韌舊唯唐製今中土所存若鬱單轉輪兜沙
靈飛皆硬黃卷軸可對勘也又時代稍降格韻
遂卑宋之視唐已分今古余得日本宋大觀年
閒寫經遂遠不及此
乃地隔海嶠而謂指腕雖殊神理不異揆之於
理必不其然今其書法與房山石刻運筆結體
不爽毫髮則稱爲唐人之作當非燕說或又謂
倭奴既購經於支那則震旦之壁藏當倍蓰於
邪馬何以其今日皮弁反多於中土此未知彼
國兵爭例不毀佛寺千年古刹崔巍相望若東

大寺石佛寺法隆寺不惟大小乘律牙籤無恙
卽九流四部亦多出其中且自達摩東邁禪宗
旣盛語錄日增五燈之書充棟三藏之籍束閣
日本緇徒雖亦染其流風而機鋒口舌究爲有
閒梵筴經典猶競誦習此又多亡少存之一端
也並志於此以釋來者之惑

古鈔王子安文一卷

卷子本

古鈔王子安文一卷三十篇皆序文日本影照
本書記官巖谷脩所贈首尾無序跋森立之訪
古志所不載惜當時未細詢此本今藏何處書
法古雅中間凡天地日月等字皆從武后之制
相其格韻亦的是武后時人之筆此三十篇中
不無殘缺而今不傳者凡十三篇其十七篇皆
見於文苑英華異同之字以千百計大抵以此
本爲優且有題目不符者眞希世珍也

目錄

王勃於越州永興縣李明府宅送蕭三還齊州

序文苑英華作越州永興李明府宅送蕭三還齊州序

山家興序文苑英華家作亭誤

秋○宴山庭序文苑英華作秋日宴季處士宅序

三區上巳祓禊序

春○序缺後半

秋○送沈大虞三入洛詩序

秋○送王贊府兄弟赴任別序闕後半

失題缺前半

秋晚什邡西池宴餞九隴柳明府序

上巳浮江讌序

聖泉宴序

江浦觀魚宴序缺後半

梓潼南江泛舟序

餞宇文明府序文苑英華餞作送

仲氏宅宴序僅存末十字

夏○仙居觀序缺後半

詩書志卷一
秋○登洪府滕王閣餞別序闕後半

送劼赴太學序缺前半

秋夜於綿州羣官席別薛昇華序

宇文德陽宅秋夜山亭宴序

晚秋遊武擔山寺序

新都縣楊乾嘉池亭夜宴序文苑英華作越州秋日宴山亭序按

序文有揚子雲之故地句則非越州審矣英華誤

至真觀夜宴序

秋晚入洛於畢公宅別道王宴序缺首尾

秋○楚州郝司戶宅遇餞崔使君序缺前半

江寧縣白下驛吳少府見餞序文苑英華作江寧吳少府宅餞

宴序

秋○登冶城北樓望白下序

冬○送儲三宴序缺後半

失題僅存末五字

春○送呂三儲學士序缺後半

此卷首尾無卷第尾殘其第一首題王勃名以

下則不題名似當時選錄之本然以勃一人之

詩書志卷一
作採取如此之多則其書當盈千卷考唐人選
集唯文館詞林一千卷而編錄在顯慶三年非
子安所及抑唐人愛勃序文者鈔之耶疑不能
明記之以俟知者子安有舟中纂序五卷然校
此卷中文不盡舟中作滕王
閣序其一也今以逸文十三篇抄錄于左其他文十
七篇異同則別詳札記

春○序

夫五城高暎飛碧玉之仙居三山洞開秀黃金
之神闕斯則旁稽鳳冊聞禮制而空存俯視至

閒竟寂寥而無覩况乎葦陽舊壤井絡名都城
邑千仞峯巒四絕山開鴈塔還如玉名之臺水
架螺宮則似銅人之井嚴君平之卜肆里閭依
然揚子雲之書臺烟霞猶在雖英靈不嗣何山
川之壯麗焉王明府氣挺龍津名高鳳舉文詞
泉涌秀而下之珪璋儒雅風流作人倫之師範
孟嘗君之愛客珠履交音密子賤之調風絃歌
在聽則有蜀城僚佐陪馳望於春郊青溪逸人
奉淹留於芳閣明々上宰肅々英賢還起潁川

之駕重集葦陰之市于時歲遊青道景霽丹空
桃李明而野徑春藤蘿暗而山門古橫琴對酒
陶潛彭澤之遊美兒多才潘岳河陽之令下官
寒鄉劔士燕園書生憐風匝之氣高愛林泉之

道長

下闕

秋①送沈大虞三入洛詩序

夫鳥散背飛尙有悲鳴之思獸分馳鶩猶懷狂
顧之心況在於人能無別恨者也虞公沈子道
合姻連同濟巨川俱欣利涉而門大道子則翻

而入 帝鄉峯泉下流余乃漂泊而沈水園昇
降之儀有異去留之路不同嗟控壑之微軀仰
冲而之逸翮相與隔千里阻九關後會不可期
倚伏安能測是時也赤燦云謝白道爰開潘子
陳哀感之辰宋生動悲傷之①萬物迴薄四野
蒼茫雲異色而傷遠離風雜響而飄別路匝來
②注澄晚氣於幽巖景淨而高引秋陰於爽籟
此時握手共對離樽將以釋慰於行前用宴安
於別後命篇舉酌咸可賦詩一字用秣四韻成

作秋

秋○送王贊府兄弟赴任別序

夫別也者感軫思於去留將行矣夫有懷情於
憂喜王贊府伯兄仲弟如壘如第匪二陸之可
嘉卽三王之繼體長衢駛足拔芋楊眉道泰官

高成榮

下闕

失題

山陽我北君西分歧臨水于時寒雲悽愴更
心愁咽溜清冷翻增氣哽聽孤鴻而動思怨別

悉兮傷去至聞唳鶴而驚魂悲莫以兮愴離緒
風煙冥冥林薄蒼茫舉目潛然能無鬱悒至探
一字四韻成篇

秋晚什邡西池宴餞九隴柳明府序

若夫春江千里長減楚客之詞秋水百川獨肆
馮叟之賞亦有拔蘭花於溱洧採蓮葉於湘湖
亭臯丹桂之津源水紅桃之徑斯則龍堂貝闕
興偶於琴樽茵櫱荷裳事編於江漢未有一同
高選神怡吏隱之閒三蜀良遊道勝浮沈之際

應秋風之極浦下明窓之幽潭別錦帆於迴汀
艤瓊橈於曲嶼柳明府藉銅章之暇景訪道隣
郊竇明府□錦化之餘閑追騷妙境司馬以陽
池可作具仙舟於南浦之前下官以滄水難留
攀桂席於西津之曲同聲相應共駐絃歌同氣
相求自欣蘭蕙瓊厄列湛玉俎駢芳烟霞舉而
原野晴鴻鴈起而汀洲夕蒼々葭蕀傷白露之
遷時淡々波瀾喜青而之在矚旣而雲生歧路
霧黯他鄉空林暮景連山寒色轉離舟於複渚

嘶猿騎於巖垆故人易失幽期難再乘查可興
與筆海而連濤結網非遙共詞河而接浪盍申
文雅式序良遊人賦一言同裁四韻

聖泉宴序

玄武山趾有聖泉爲浸滃滴瀝數百季矣乘巖
泌漏接磴分流砂堤石岸成古人之遺跡也若
乃青蘋綠芰紫苔蒼蘚亦無乏焉羣公九牘務
閑江湖思遠寤寐竒託淹留勝壑旣而崖巒却
峙荒壑前縈丹粵萬尋碧潭千仞松風唱晚竹

言書志卷一
霧曠空蕭々乎人間之難遇也方欲以林壑爲
而屬以琴樽爲○用睨乎古今同遊方深川上
之悲少長齊遊且盡山陰之樂盍題芳什共寫
高懷

江浦觀魚宴序

若夫辨輕連壘澹洲爲獨法之賓道寄虛舟河
洛有神仙之契雖復勝遊長遊陵谷終移而高
軌可追波流未遠羣公以十旬芳暇候風景而
延情下官以千里薄遊歷山川而綴賞桃花引

騎還尋源水之蹊桂葉浮舟卽在江潭之上尔
其崇瀾帶壑巨浸浮而綿玉甸而橫流指金臺
而委輸飛湍驟激猶驚白鷺之濤踈浪奔迴若
赴黃牛之峽於是分桂楫動蘭橈嘯漁子於平
溪引鮫人於洞穴沙林石礪環臨翡翠之竿瓊
轄銀鉤下映茱萸之闕下

夏○仙居觀宴序

咸亨二季四○孟夏龍集丹北兔躔朱陸時屬
陸沈潤塞恒雨九隴縣今河東柳易式嵇彝典

言書志卷一七
八
歷禱名山爰昇白鹿之峯佇降玄虬之液楊法
師以烟霞勝集諧遠契於詞場下官以書札小
能叙高情於祭牘羞蕙葉奠蘭英舞闋哥終雲
飛雨驟靈機密邇景闕下
至真觀夜宴序

若夫玉臺金闕玄都紫府曠哉邈乎非流俗所
詣而羣英在焉迺相與造處之宮遊萍之野
弃置煩雜栖遲道性陶然不知宇宙之爲大也
豈直坐談風月行樂琴樽而已哉仰觀千歲之

各一時

秋○登治城北樓

序

僕不才懷古人之士也岷山南望恨元凱之塗
窮禹穴東尋悲子長之興狹徘徊野澤散誕陂
湖思假俊翻而遊五都願乘長風而眺万里佳
辰可遇屬樓雉之中而良願果諧偶琴樽之暇
○携勝友陟崇隅白雲展面青山在目南馳漲
海北控淮潮楚山紛列吳江皓曠川原何有紫
蓋黃旗之舊墟城闕何季晉宋齊梁之故跡時

詩書志卷十七
九
非因是物在人亡灌莽積而蒼烟平風濤陰而
翠霞晚閑山窄落壯宇宙之時康井邑蕭條覺
衣冠之氣盡秋深望徹景極情盤俯万古於三
休窮九垓於一息思欲校良遊於①下賈逸氣
於雲端引江山使就目驅烟霞以縱賞生涯詎
幾此念何期灑絕翰而臨清風笛芳罇而待明
②俱題四韻予亦可乎人賦一言其詞云尔

冬③送儲三宴序

儲學士東南之美江漢之靈凌翰圃而橫飛入


詞場而獨步風期暗合卽爲生死之交道德懸
符唯恨相知之晚下官太玄尙白其心如丹將
忠信以待賓朋用烟霞以付朝夕自非琴書好
事文筆深知口若雌黃人同水鏡亦未與談今
古盡匍懷對山川之風日蕩羈旅之愁思此君
邂逅相遇適我顛耳樽酒不空吾無憂矣方欣
握手遽慘分歧覺歲寒之相催悲聚散之無定
是時也池亭積雪草樹下
失題

人皆成四韻

春日送呂三儲學士序

宇宙之風月曠矣川岳之烟雲多矣其有徒開
七竅枉滯百年弃光景若埃塵賤琴書同薰土
言不及義動非合禮若使周孔爲文章之法吏
比屋可以行誅嵇阮爲林壑之士師破家不容
其罪至若神高方外志大寰中詩酒以洗滌匄
襟池亭以導揚耳目超然自是散若有餘義合
則交踈而吐誠言忘則道存而目擊二三君子

當仁不讓並高情朗俊逸調踈閑杞梓森羅琳
瑯疊彩崩雲垂露之健筆吞蛟吐鳳之奇文顏
謝可以執鞭應徐自然銜璧下官栖遑失路懷
抱沈愁暫辭野鶴之羣來廁真龍之友不期而
會甘申羈旅之心握手言離更切依然之思于
時風雨如晦花柳含春雕梁看紫燕雙飛喬木
聽黃鸝雜囀殷憂別思



言言記卷一

一

